

西樵語業

目錄

水調歌頭 七調

滿江紅 四調

瑞鶴仙 一調

賀新郎 二調

念奴嬌 二調

洞仙歌 二調

鵲橋仙 二調

蝶戀花 三調

千秋歲 一調

玉人歌 一調

點絳脣 二調

秦樓月 一調

浣溪沙 二調

桃源憶故人 一調

踏莎行 一調

減字木蘭花 一調

生查子 一調

柳梢青 一調

相見歡 一調

訴衷情 一調

西樵語業目錄 終

西樵語業

宋楊炎

水調歌頭

寄吳景樓

寒眼亂空闊客意不勝秋強呼斗酒發興特上
最高樓舒卷江山圖畫應禽龍魚悲嘯不暇顧
詩愁風露巧欺客分冷入衣裘忽醒然成感
慨望神州可憐報國無路空白一分頭都把平
生意氣只做如今顛顛歲晚若為謀此意仗江
月分付與沙鷗

又呈辛
陸吳

杖屨寬春色行遍大江西訪花問柳都自無語
欲成谿不道七州三壘今歲五風十雨全是太
平時征轡晚寨月漁釣夜垂絲詩書師坐園
玉塵揮犀與方不淺領袖風月過花期只恐梅
梢青子已露調羹消息金鼎待公歸回首滕王
閣空對落霞飛

又送張
使君

父老一盃酒爭勸使君留可憐桃李千樹無語
送歸舟聽得拈笙玉指都把萬家遺愛吹作許
離愁倚醉袖紅溼生怕夕陽流問君侯今幾
日到東州還家時候次第梅已暗香浮只恐道
間驛使先寄調羹消息歸去總無由禹鉉功名
了徐赴赤松遊

又呈趙
總領

買得一航月醉臥出長安平堤千里過畫楊柳
綠陰間依約曉鶯啼處認得南徐風物客夢恍
驚殘重到舊遊所知把畫圖看英雄事千古
意一凭閣惜今老矣無復健筆寫江山天上人
間知已賴有使星郎宿照映此塵寰準擬五湖
去爲乞釣漁竿

又

把酒對斜日無語問西風胭脂何事都做顏色

樂芙蓉放眼算江千頃中有離愁萬斛無處落
征鴻天在闌干角人倚醉離中千萬里江南
北湖西東吾生如寄尚想三徑菊花叢誰是中
州豪傑借我五湖舟楫去作釣漁翁故國且回
首此意莫匆匆

又

一笛起城角吹破小梅愁東風猶未誰遣春信
到吾州聞德東來千騎鼓舞兒童竹馬和氣與
空浮桃李未陰處準擬種千頭今太守宋人
物晉風流政成談笑不妨高興在南樓只恐蓬
萊仙伯合侍玉皇香案難作寇恂閭約住紫泥
認憑賦具優游

又

踏碎九街月藥醉出京華半生湖海誰念今日
老還家獨把瓦盆盛酒自與漁樵分席說尹政
聲佳竹馬望塵去倦客亦隨車聽黑風清曉

角韵楊花人家十萬說盡炎熱與咨嗟只恐棠
陰未滿已有楓宸趣召歸路不容遮回首江邊
柳空著舊棲鴉

滿江紅

春入臺門又見染柳絲新綠對此景一年爲壽
一番添福莫怪鳳池頒詔晚要教淮水恩波足
聽邊民千歲頌聲中重重祝堂萱茂庭芝韻
歌倚扇盃持玉共勸君一醉滿斟福祿今夜東
風吹酒醒明朝萬里騎黃鵠向九霞光裏望宸
輝看除目

又

筆染相思暗題盡朱門白壁動離思春生遠岸
煙銷殘日楊柳結成羅帶恨海棠染就胭脂色
想深情幽怨繡屏間雙鶺鴒春水綠春山碧
花有恨酒無力對一奩愁思九分孤寂寸寸錦
腸渾欲斷盈盈玉淚應偷滴倩東風吹雁過江

南傳消息

又壽猿

壽酒如澠拚一醉勸君休惜君不記濟河津畔當年今夕萬丈文章光焰裏一星飛墮從南極便御風簾與入京華班卿棘君不是長庚白又不是巖陵客只應是明主夢中良弼好把袖間經濟手如今去補天西北等瑤池侍宴夜歸時騎箕翼

又

典卷春衣也應是京華倦客都不記麴塵香霧西湖南陌兒女別時和淚拜牽衣曾問歸時節到歸來稚子已成陰空頭白功名事雲霄隔英雄伴東南折對雞豚社酒依然鄉園三徑不成陶令隱一區未有楊雄宅問漁樵學作老生涯從今日

瑞鶴仙

元夕序王侯昔賦

風光開舊眼正梅雪初消柳絲新染樓臺競裝

點照金荷十里珠簾齊捲湘絃楚管動香風旌

旗影轉望雲間一點台星飛下洞天清曉爭

看袖紅圍坐舞翠回春笑歌生喉歡聲正遠嬉

遊意未容懶恐絲綸趣召清都仙伯歸去朝天

夜半倩邯鄲人挽取鰲頭醉扶玉腕

賀新郎

十日狂風雨掃園林紅香萬點送春歸去獨有

荼蘼開未到留得一分春住早楊柳趁晴飛絮

可奈暎埃欺畫永試薄羅衫子輕如霧驚舊恨

到眉宇東風臺榭知何處問燕鶯如今尚有

春光幾許可殺一年遊賞倦放得無情露爾爲

喚取扇歌裙舞乞得風光還兩眼待爲君滿把

金盃舉扶醉玉伴揮塵

又寄辛潭州

夢裏驂鸞取望蓬萊不遠翻然被風吹去吹到

楚樓煙月上不記人間何處但疑是蓬壺別所
繚緲霓裳天女隊奉一仙滿把流霞舉如喚我
醉中舞 醉醒夢覺知何許問滿湘今日誰與
主盟樽俎無限青春難老意擬倩管絃寄與待
新築沙堤穩步萬里雲霄都塵偏却依前流水
桃源路問此筆爲君賦

念奴嬌

漢天雲靜望一星飛過湘南北當是郴山猿
鶴夢喚起日邊消息羽扇綸巾浩然乘興此意
無人識扁舟千里但聞清夜橫笛 記得天上
人間去年今日曾作稱觴客明月風煙依舊似
只覺蓬萊懸隔更恐明朝韶黃飛下越駕冲霄
翼衣劍履望公長往南極

又

杏花楊柳對東風染盡一年春色彈壓煙光三
萬頃誰識清都仙伯夜泛銀潢手移星緯飛墮

從天闕御風乘輿偶然身到鄉國 二年人樂
昇平舞臺歌榭處處紅牙拍壽酒千觴斟不盡
一醉何妨今夕更約明年鳳皇池上去作稱觴
客梅花折得贈君調鼎消息

洞仙歌

芙蓉開了春未江梅透小小東風弄晴晝把萬
家和氣吹入笙歌爐熏裏都與慈闈做壽 黃
堂今日貴自著萊衣捧勸金船十分酒願從今
江海上市日日韶華桃李逕總爲人間種就但看
取天邊老人星有一點台星共光南斗

又
寄張軒

帶湖佳處髣髴真蓬島曾對金樽伴芳草見桃
花流水別是春風笙歌裏誰信東君會老 功
名都莫問總是神仙買斷風光鎮長好但如今
經國手袖裏偷閒天不管怎得闔河事了待貌
取精神上凌煙却旋買扁舟歸來開早

鵲橋仙

思婦時節乍寒天氣總是離人愁緒夜來無奈
被西風更吹做一簾秋雨 征衫拂淚闌干倚
醉羞對黃花無語寄書除是雁來時又只恐書
成雁去

又

築成臺榭種成花柳更又教成歌舞不知誰爲
帶湖仙收拾盡壺天風露 閑中得味酒中得
趣只空天還也妬青山縱買萬千重遮不斷詔
書來路

蝶戀花

別范南伯

離恨做成春夜雨添得春江剗地東流去弱柳
繁艸都不住爲君愁絕聽鳴鶯 君到南徐芳
艸渡想得尋春依舊當年路後夜獨憐回首處
亂山遮隔無重數

又

孫軒生問作首句
用丘六書中語

點檢笙歌多釀酒不放東風獨自迷楊柳院院
翠陰停永畫曲欄隨處堪垂手 昨日解醒今
夕又消得情懷長被春僂僂門外馬嘶人去後
亂紅不管花消瘦

又

萬點飛花愁似雨峭殺輕寒不會留春住滿地
亂紅風掃聚只教燕子啣將去 獨倚闌干閒
自覩深院無人行到無情處簾外絲絲楊柳舞
又還裝點人情緒

千秋歲

代人寫寄

五雲縹緲朝退金門曉歸未穩傳宣到龍樓陪
夕宴鳳沼吟春草人間世誰知自有蓬萊島
一盃宜勸了換得天顏笑人不老春長好從今
千百歲總是中書考瑤池會金盞剗薦安期棗

玉人歌

風西起又老盡離花寒輕香細漫題紅葉句裏

意誰會長天不假江南遠苦恨無書寄最相思

盤橋千枝贈鱸十尾鴻雁阻歸計算愁滿離

腸十分豈止倦倚闌千顧影在天際凌煙圖畫

青山約總是浮生事判從今買取朝醒夕醉

點絳脣

邂逅開尊眼中有個人纖軟袖羅輕轉玉腕回

春煥韻處無多只惱人腸斷詞將半近前相

勸撲撲清香滿

又送別洪才之

水載離懷竟帆吹月寒欺酒楚梅春透忍放持

盃手莫唱陽關免湮盈盈袖君行後那人消

瘦不惱詩腸否

秦樓月

東風寂坐楊舞困春無力春無力落紅不管杏

花狼籍斷腸芳艸萋萋碧新來怪底相思極

相思極冷煙池館又將寒食

浣溪沙

楊柳籠煙裊嫩黃桃花蘸水染紅香薄羅衫子

日初長飲盡東風三百盞醉來愁斷幾回腸

教人獨自遣風光

又

三逕閒情做落霞五湖高興不浮家自斟北斗

浸丹砂閒把胃中千洞壑撰成醉處一生涯

雪樓風月篆崗花

桃源憶故人

尊前未語着先微只把橫波斜溜此意問春知

否蝶困蜂兒瘦褪曉呖丁些來酒越會把人

憊憊有箇約伊時候夢裏來相就

踏莎行

宿鶯棲身飛鴻點淚不堪更是重陽到一襟無

處著淒涼倚欄看盡斜陽倒瘦減難豐悲傷

易老淡觴消得黃花笑画眉人去玉筵存濃愁

如黛憑誰埽

減字木蘭花

月明如畫占斷小樓供把酒入眼人人如月精神更有情
大家休睡畱到天明和月醉生怕醒來月到波心憶酒媒

生查子

金蓮照夜紅玉腕扶春碧曲妙過雲行人好欺花色
歡生酒面濃笑染爐香溼飲盡十玻璃月墮東方白

柳梢青

生紫衫兒影金領子著得偏宜步穩金蓮香黑
紋扇舞轉花枝捧盃耍著腔膜唱一箇新行要詞玉骨冰肌好天良夜怎不憐伊

相見歡

江湖萬里征鴻再相逢多少風煙摸在笑談中
歌裙醉羅巾淚別愁濃瘦減腰圍不礙帶金

重

訴衷情

露珠點點欲團霜分冷與紗窗錦書不到腸斷
煙水隔茫茫征燕盡塞鴻翔盼風檣闌干曲處又是一番倚盡斜陽

止濟南廬陵人也西魏乃清海府城西山名相去數百里或曰曾流寓于此因以名集今亦無傳但其詩筆一卷後述可喜不作妖艷情態雅非詞家能品其品之

開上可想見云湖南毛晉藏

開上可想見云湖南毛晉藏

西樵語業

終

宋六十名家詞

西樵語業

八